

烈祖成績

安積覺編次

卷五

伊 5
742
5



門伊5
號 742
卷 5



烈祖成績卷之五 起天正七年終十年 安積覺 編次

天正七年己卯正月二十日。神祖獵于吉良。二十七日。還濱

松。二月二十五日。武田勝賴侵遠州。屯國安。神祖聞之。與世

子馳至馬伏塚。參州諸將軍。見付府。二十七日。進至袋井驛。

是日。勝賴去國安。二十九日。渡大井河而退。神祖還濱松。 年譜

祖第三子長麻呂。 征夷大將軍太政大臣台德公。生于濱松城。以上井甚三

郎利勝為近侍。利勝長而稱大炊頭。為輔佐元老。 年譜。創業

記。松榮紀事。○據諸士傳略及雜錄。利勝水野信元子也。信

元遭害。年僅二歲。其母抱之遁去。得免。再嫁土井小左衛門。

烈祖成績

利勝從其母在小左初世子娶織田信長女生二女所生關

口氏悍而妬與神祖琴瑟不諧離居在岡崎稱築山殿○松榮紀

事曰神祖出之流寓伊勢越前世子迎之居岡崎然築山之稱世所共知今從德川歷代性行不淑欲使

世子離間夫人誘武田勝賴奪岡崎遂至夫妻反目○松榮紀事曰

欲使殺信長而立世子按信長不可輒殺縱殺之世子雄勇

而暴好蹋歌舉國成風少不如意輒手刃之民不堪命○創德

代川歷往年退軍伊良崎世子為殿勝賴不能出躡世子自矜

其勇每事多不法神祖患之創業至是夫人列世子罪十二

讒於信長以酒井忠次為使往岐阜訴之信長召忠次親詰

問之忠次證成之十罪皆實信長不及問其二使忠次謂神

祖曰信康凶悖非保邦之器不殺必有後禍忠次奉命而歸

及過岡崎不謁世子直赴濱松世子知其不免恐懼待命忠

次告神祖以信長之言神祖憮然曰事既如此宜信長之欲

殺之也八月三日神祖至岡崎城放世子於大濱四日世子

至岡崎披陳無罪神祖不聽其夜世子還大濱時平巖親吉

為世子傳白神祖曰遠殺世子後必悔之臣為傳無狀請斬

臣首送于信長使謂世子實無罪皆親吉之所為則信長齋

威而冀世子獲免也言甚切至神祖嘉其忠誠曰殺汝而事

可濟則可不然併喪良臣非我志也五日神祖如西尾城七

日又至岡崎九日遷世子於遠州堀江城又遷二股城不許

出。十二日。神祖還濱松。二十九日。使野中重政殺關口氏於

小藪邑。

年譜創業記三河物語家忠日記德川歷代松榮紀事○松榮紀事曰使村越茂助殺之家忠日記曰岡

本平右衛門雜錄築山殿事記曰岡本八郎右衛門蓋茂助直吉奉命誘出築山殿重政率平右衛門等殺之於中路也

野中氏家譜事證的確今據之先是上杉景虎與上杉景勝爭戰不輟。景虎

求救于北條氏政。武田勝賴之妻。氏政之妹。而景虎之姊也。

故氏政使勝賴援之。勝賴率兵二萬赴越後。景勝大懼。賂勝

賴以東上野地及黃金一萬兩。請屬麾下。賂嬖臣長坂鈞間

跡部勝資。各金二千兩。勝賴受賂而還。景勝遂滅景虎。取越

後。由是北條氏甚怨勝賴。與之絕。甲州士庶皆譏勝賴之不

義。而莫不惡鈞間勝資之貪婪也。

甲陽軍鑑松榮紀事

九月五日。氏政

以朝比奈泰勝為使。乞和神祖曰。卿能講和。吾當通好。信長

東西夾擊。以滅勝賴。神祖然之。遣使告信長。信長諾曰。卿先

與氏政平。然後圖勝賴。十三日。三家盟成。約曰。勝賴出豆州。

則家康入駿州。勝賴出遠州。則氏政屯甲信二州。間以牽之。

年譜創業記家忠日記松榮紀事神祖既殺關口氏。信長怒猶不解。夫人忿

怨如舊。十五日。神祖不得已。遣大久保忠世。天方山城守道

興。服部正總於二股城。賜自盡於世子。時年二十一。年譜創業記三

河物語家忠日記德川歷代初神祖屢遷徙世子。蓋有微意。而諸將

不悟。時人皆咎元老重臣焉。德川歷代○本書曰酒井忠次

于岐阜諸書忠次一人而無忠世名。故不取。又曰。每遷徙世子。使忠世監護。遂命忠世殺之。忠世誘出世子觀瀨。殺之。舟

中、以自殺聞時人惡其不忠此又諸書所不載其言出於愛憎不足信今從上諸書十七日橫須賀守

將大須賀康高伏兵高天神城下三峰山欲誘出城兵擊之

城兵果出伏發擊破之家忠日記德川歷代康高部兵久世廣宣射敵

多斃之一矢洞貫敵兵中松樹而止後城兵送其矢諸士傳略阪

部廣勝斬城兵中根鄉左衛門其餘康高之兵多獲首級敵

敗走入城松榮紀事以此戰係四年二月錯簡也今從家忠日記德川歷代武田勝賴率兵

一萬六千出駿州築沼津城使高阪虎綱子源五郎守之松榮

紀事○按源五郎三年五月戰死長篠據甲陽軍鑑以其弟襲稱源五郎統領部兵也北條氏政聞勝

賴出兵將三萬餘騎軍于豆州三島勝賴軍于黃瀨河是日

神祖發濱松至懸川十八日入駿州酒井忠次諫曰深入敵

地後險隘而前勦敵非良策也不如按兵瀨戶駿州西郡地名以待

東軍之變神祖曰吾與氏政有約不可中變且鷓蚌之勢須

乘其弊遂進軍左田中城沿海而東陣于二山忠次駐軍瀨

戶十九日使松平甚太郎家忠牧野康成攻持舟城拔之縱

火焚城松平康親進至由井倉澤松榮紀事勝賴聞我軍至由井

欲決戰遣使謂氏政曰欲戰即戰吾當渡黃瀨川以決雌雄

吾聞濱松之兵出在由井倉澤今欲還軍與彼決戰卿欲躡

後固吾所欲也氏政渝約對曰吾為按行部屬出兵非求戰

者卿宜與濱松之兵戰吾不與也松榮紀事曰氏政不報今從甲陽軍鑑年譜附尾

勝賴留左馬助信豐高阪源五郎於沼津城以備氏政急引

兵陣于河成時富士川暴漲不得渡神祖聞勝賴至欲逆擊之。○松榮紀事載一說曰鳥孫左衛門之甥為僧居駿府聞勝賴至奔赴告之石川數正大須賀

康高諫曰田中城在我後輕戰敵地危道也神祖然之還至

藤枝暴稻而去酒井忠次出瀨戶為殿創業記考異甲陽軍鑑係八年今從年譜

創業記正文織田本信長記家忠日記○松榮紀事神是夕

勝賴至駿府聞我軍既去憤恚曰長篠之役不可戰而戰竟

取敗是役也可以戰而不得戰此命之窮也可奈何甲陽軍鑑年譜

附尾松榮紀事既而氏政引兵還小田原二十五日勝賴還甲州神

祖退至伊良崎晦入牧野城十月朔凱旋九日饗今川氏真

於濱松城年譜創業記家忠日記松榮紀事十一月四日松平主殿助家忠

設伏伊良崎待甲軍至舉燧為應鳥居元忠步卒濫縱火近

地愆期神祖怒究之捕步卒斬之七日家忠又伏兵瀧阪急

擊甲軍獲首級奪輜重神祖褒之家忠日記十一日神祖發濱松

至縣川十二日軍于馬伏塚十四日還濱松家忠日記曰

賀十五日還濱松二十四日甲軍出田中屯國安二十七日

家忠陣于見附驛備之是日甲軍去國安入駿州家忠引兵

還年譜創業記家忠日記松榮紀事

八年庚辰正月五日神祖叙從四位上年譜創業記公卿補任家忠日記松榮紀

事○家忠日記曰正月三日武田勝賴率甲斐信濃之兵援

高天神城織田信忠將兵發清洲按此時神祖未嘗乞援信

長信忠不應出兵且二十四日放鷹參州西尾二十七日至

岡崎尋還濱松。家忠日記三月十六日發濱松向高天神。是

日高天神城兵出屯天王馬場。大須賀康高出擊之。康高部

兵久世廣宣。阪部廣勝。氏家金二郎。近藤武助。管沼兵藏。鷲

山傳八郎。揮槍健鬪。家忠日記本多忠勝攻城先登。其兵內

山忠三郎。日置小左衛門等。爭進力戰。攻破的場口柵。○本

譜係六月十七日。今從上二書。十八日築大阪山砦。○按下文有大塚橫須

賀之戌兵。大阪疑大塚之訛。今從家忠日記。二十五日築中村砦。二十九日築砦田

中。逼高天神城。○年譜田中下注。駿州松榮紀事注。遠州地

別一地名。疑閏月九日。神祖還濱松。年譜創業記。家忠

紀事為得實神祖雖拔持舟城。而其地便於敵。而不便於我。故自其焚燒。

不置戍兵。至是武田勝賴修築壘壁。與田中江尻二城聲援

相接。使朝比奈駿河守之。松榮紀事五月朔。神祖出軍屯懸川三

日。攻田中城。四日。至遠目。陳于八幡山。五日。使步卒暴花澤

之禾苗。取田中之麥。收兵還濱松。石川數正為殿。持舟城兵

下遠目阪。出躡之。數正回騎接戰。酒井重忠。松平康親。牧野

康成。平巖親吉。內藤家長等。馳還競進。松平真乘橫擊敵兵。

破之。敵潰走。尾崎半平定。正斬向井伊賀。須田文平。斬城兵

櫻井兵庫。天野小麥。右衛門重次。○按天野麥。右衛門戰。斬

朝比奈市兵衛。松平康親之兵。岡田竹右衛門元次。斬城將

三浦兵部。斬兵部伊賀。年譜松榮紀事。為七年九月。拔持舟

城時事。德川記。以此戰係九年五月。今從家忠日

記尾崎半平名。城中精兵八十餘人戰死。松榮紀事正文作據高梨系圖。三十二人。今從家

忠日記及紀事一說。守將朝比奈駿河關門堅守。我軍不復攻之。引兵

入牧野城。年譜創業記家忠日記松榮紀事。先是一色左京。家忠日記松榮紀事書一色某

無左京之稱。今據年譜。被譴匿康親家。適在陣中。岡田元次授三浦兵

部首於左京。使上級以贖罪。神祖廉知其實。嘉元次讓功。賜

鎧。褒以賞之。六月十日。神祖營於橫須賀。諸軍屯鎌田。十一

日。按視高天神城。築若鹿鼻備之。十七日。縱火高天神外郭。

使步卒獲城外稻。還濱松。七月二十日。神祖又將兵至懸川。

家忠日記松榮紀事。渡大井河。營于田中八幡山。使諸將護丁壯。獲田

中稻。岡田元次白神祖曰。河水每雨。一夜暴漲。武田勝賴好

乘人之不意。收獲粗畢。須速渡河。不可濡滯。神祖然之。即渡

河而還。其夜果雨。河水大溢。勝賴適在駿州。按行管内諸城。

聞我軍出。急馳至田中。阻水不得渡而止。神祖褒元次之善

察兵機。松榮紀事。二十七日。神祖戢兵還濱松。年譜創業記家忠日記松榮紀事

八月。北條氏政出屯黃瀨川。與武田勝賴相持。十六日。氏政

以小笠原某為使來濱松。告神祖。按氏政勝賴對陣黃瀨川。在去年九月。然年譜家

忠日記松榮紀事皆曰。是年又對陣。今並存以傳疑。甲陽軍鑑亦係是年說見上。二十七日。松平二

郎右衛門重吉卒于參州野見邑。年八十三。九月二十三日。

賜參州刈屋城於水野忠重。遠州馬伏塚城及鎌田鄉於高

力清長。家忠日記松榮紀事。是月。神祖第四子福松麻呂生於濱松城。

源流綜貫福松麻呂薩摩守忠吉也事在下文十月十二日神祖發濱松赴高天神。

十九日參州諸將陣于大塚橫須賀二十二日諸軍進逼高

天神城築砦橫須賀橋谷橫須賀創業記松榮紀事無橫字今據年譜使諸軍與

鹿鼻中村小笠砦嚴守之四繞圍城鑿隍樹柵一步置一兵

戍之使城兵不得出鬪家忠日記松榮紀事神祖召成瀨正一曰今留

汝于此須巡城外每一晝夜一次戍兵有懈者罰之正一請

副一人神祖曰汝擇其人對曰日下部兵右衛門可也神祖

即命二人至明年春一百二十餘日正一定好晝夜巡行不

敢一日懈弛成瀨系圖二十八日神祖移營於馬伏塚十一月十

二日遣松平主殿助家忠於安土告逼高天神城于織田信

長十二月二十日信長以猪子兵助福富平左衛門長谷川

藤五郎秀一幼名竹麻呂後仕秀吉公領越前稱東鄉侍從西尾吉次為使來勞神

祖二十一日四使從神祖巡行合圍二十二日神祖還濱松

饗四使年譜創業記家忠日記松榮紀事

九年辛巳三月高天神城潰先是我兵四面合圍如釜魚籠

鳥不可脫去城兵連署使向阪甚大夫告急武田勝賴曰濱

松兵勢日盛圍城數重欲戰不得戰糧盡力竭命在旦夕願

急救之獨橫田重量以為不可別以書白勝賴曰此城不可

救君侯能出兵攘敵使得保城則救之可也今家康在橫須

賀使諸將嚴守六砦此勅敵也雖戰不可勝若君侯來援彼

邀之中路。乞援信長。前後夾擊。則危道也。彼又分信長之兵。由驛路直至駿府。扼我歸路。

○松榮紀事注曰。東海道驛程。自遠州金谷渡大井河。歷島田

藤枝。至駿府為本道。高天神在其南。

此條氏政出駿州。則前與濱松之兵相持。

後為信長氏政所邀。進退失據。取敗必矣。此臣所謂不可救者也。受命守城。死固其分。唯為君侯圖萬全耳。若必欲救之。則賜臣陰符。刻期出師。甲州旌旗見於鹽買阪。則城兵突圍而出。庶幾僥倖萬一。雖然出師救城。而城為敵有。徒拔其衆而歸。不可謂武。城兵潰圍。必不得免。此其不可救。事勢甚明。願熟計之。勝賴善之。名諸將會議。長阪釣間跡部勝資曰。此不可救。甚五郎之言是也。勝賴以為坐在甲府。終不救之人。

皆以我為怯。乃出兵東上野。拔仙城而還。

仙城。甲陽軍鑑作騰城。今從松榮紀

事。城兵知援軍不至。議潰圍脫去。疲頓不得遽出。我軍覺之。

嚴守要害。大久保忠世所守林谷。險隘殊甚。前有六笠懸川。

牧野之城寨。南有大塚。橫須賀之戍兵。忠世恃之。纔以兵六

騎戍之。城兵詞知其寡。二十二日夜二更。分為二隊。岡部丹

波橫田重量出自林谷。忠世使其弟平助忠教赴之。

忠教諸書作忠

孝。今從諸士傳略。平助後更彥左衛門。

與戍兵六騎合十九騎。忠教擊傷丹波。

使本多主水取其首。忠世聞敵出馳來。敵已遁去。石川康通

扼足助烏原之要路。前有龍谷。山迴溪轉。戍兵多寡。不可得

見。城兵三百餘欲突出。我軍嚴備擊之。敵敗走。陷龍谷。殘兵

數百欲衝圍免去。本多忠勝鳥居元忠擊破之。逼鐘郭。水野

忠重其子藤十郎勝成。進入城中。勝成時年十六。家忠日記

勝成小名國松。稱藤十郎。更六左衛門。歷從五位下。日向守。進叙從四位下。領備後福山十萬石。年十六。據水野系圖。

大須賀康高爭先而進。久世廣宣斬城兵。依田木工左衛門。

諸士傳略。忠重之兵清水次右衛門。山本市作。先登戰死。的場郭

之敵兵。決死健鬪。我兵猶豫。松平孫六郎康長亦年十六。戶

彈正子虎千代。賜氏在永祿十年。請攻的場郭。神祖許之。康長急進攻之。縱

火城中。戶田忠次。松平主殿助家忠。相繼而進。忠次之兵石

原孫二郎。大屋喜助。植田十兵衛。芳賀清助。家忠之兵板倉

木工右衛門等。力戰破之。板倉喜藏戰死。大久保忠世橫擊

又破之。城兵殆殲。城遂陷。三倉忠右衛門定次擒孕石主水

神祖戮之。赦大河內某。厚賜遣之。初神祖為質在駿河。主水

數無禮於神祖。大河內某傾心保護。故得及之。神祖豫命內

藤信成。管沼忠久曰。高天神城陷。則殘兵必走國安。汝等宜

備之。殘兵果出國安。信成忠久邀擊殲之。凡斬城兵首七百

三十級。錄送安土。年譜。創業記。三河物語。織田本信長日記。甲

曰。信長援助部將佐佐成政。野野村三十郎。錄數還安土。據

之。則信長遣援軍也。然諸書所不載。不知其在何時。故不書。

城兵橫田重量直斫柵出奔甲州。武田勝賴賞重量之忠勇。

賜佩刀。重量拜而不受。曰。臣潰圍而出。何賞之有。時人稱之。

家忠日記。甲陽軍鑑。松榮紀事。二十四日。神祖凱旋濱松。名諸將褒獎軍功。

賜休暇各歸其城。六月二十八日。神祖發濱松軍。見付驛。年譜

創業記。家忠日記。○按三書不載其故。亦無還濱松之日。是月。東條城主松平甚太郎家

忠卒。櫻井松平系圖。七月三日。使松平主殿助家忠築砦相良。武田

勝賴築城甲州韭崎。號新府。家忠日記。甲陽軍鑑。十二月十五日。神祖

放鷹馬伏塚。年譜。創業記。家忠日記。十八日。織田信長為略甲駿二州。

使西尾吉次納糧東條。是日。奧平九八郎。美作守信昌子。時十五歲。長而叙。從五位下。任大膳大夫。

加首服於神祖前。授諱字曰家昌。賜守家刀。是歲。神祖以母妹嫁松平家清。家忠日記。母妹初適荒川賴持。在永祿四年。

以公子福松麻呂紹松平家忠之封。出居東條城。長而名忠吉。源流綜貫。大

久保淨玄卒。年八十三。家忠日記。木曾左馬頭義昌。義仲之裔而

信州之豪族也。往年武田信玄侵掠鄰境。義昌畏其疆屬麾

下。信玄悅以女妻之。勝賴彊暴好兵。徭役頻興。義昌不堪其

命。就濃州人苗木久兵衛。○按苗木城主遠山久兵衛友政。以黨于齋藤龍興。為信長公所逐。

諸書以城為氏。往往有其例。疑即其人。通款織田信忠。信忠使平野勘右衛門

馳至安土告之。信長曰。木曾險惡之地。彼若欺我。誘陷險隘。

則噬臍無及。使其送任子立誓。然後進兵。既而久兵衛送義

昌及將士之質。致之岐阜。信長許之。家忠日記。松榮紀事。

十年壬午正月六日。木曾義昌叛武田勝賴。義昌之臣千村

左京。松榮紀事作千原。其今從信長譜。以其謀告阿部加賀。勝賴大駭。將發

兵擊之。加賀謀曰。木曾險隘。不可猝攻。義昌夫人君侯之妹

源氏物語

卷五

十一

也。臣請就夫人。緩其反計。伺間潛遣精兵五騎十騎。襲其不意。則必有利。勝賴不能從。二月二日。使左馬助信豐將兵五千騎攻之。義昌遣使陳謝。勝賴不聽。義昌使千村豐前馬場半左衛門。菽原十左衛門。上村作左衛門。率兵據烏居嶺。以待敵至。勝賴前隊諏訪采女。及弟源二郎。督兵進鬪。義昌據險拒之。斬采女兄弟。甲軍多敗死。信豐激眾競進。義昌懼而引去。信豐追擊甚急。義昌之兵。縱火燒藪原。退入南宮城。據險拒之。信豐引兵還。信長與神祖約。東西夾擊。以取甲信。使信忠將兵五萬。向木曾口。自將兵七萬。入自伊奈口。金森長近領兵三千。向飛驒口。神祖將兵三萬五千。入自駿州。北條

氏政率兵三萬。備關東口。勝賴率甲斐信濃上野三州之兵

二萬餘騎。陣于諏訪。分兵戍諸城。使弟仁科五郎信盛甲陽軍鑑

作仁科薩摩守晴清。今從家忠。日記甲亂記。武田家譜。松榮紀事。守高遠城。日向宗英守大

島城。勝賴將日向大和。勝賴將日向大和。勝賴將日向大和。保科越前守正直筑前守正俊子。初稱甚四郎。後更彈正忠

守飯田城。馬場民部多田治部右衛門。橫田重量守深志城。

十二日。信忠發岐阜。入自木曾口。以瀧川一益河尻肥後守

秀隆為前鋒。肥後守即與兵衛也。諸書或作肥前守。說見三年。勝賴聞之。使小山田

昌行。渡邊金大夫。小菅五郎兵衛。援高遠城。道遙軒信綱。安

中七郎三郎。小原丹後。依田能登。援大島城。小幡因幡。波多

野源左衛門。援飯田城。又聞神祖入駿州。使室賀兵部據鞠

子拒之。屋代某關甚五兵衛入持舟城。援朝比奈駿河。依田信蕃。三枝土佐。據田中城。伊奈口東山道第一之險要。不得輒入。使下條伊豆信氏守之。其族九兵衛叛。引河尻秀隆之兵入城中。信氏遁去。松尾守將小笠原信嶺乞降為鄉導。信忠之兵入自伊奈口。如踐無入之地。木曾義昌來謁。上甲軍首級。信忠授書褒之。使織田源五長益信秀第五子。信長公弟。叙從五位下。剃髮號有津田孫十郎信次○按織田家譜。信秀第九子。有孫十郎。信次。然二年九月戰死。長島左近將監信任子亦有信次。稱掃部助。無孫十郎之稱。未詳。為義昌援軍。陣于桔梗原。信忠至飯田。信綱等棄大島城遁去。信忠移陣大島。使毛利河內守河尻秀隆守大島城。進至飯島。森勝藏長可三左衛門可成第二子。為

武藏守。○彰考館史臣丸山可澄曰。長可諸書皆誤作長一。三左衛門家世皆以可字連名。至勝藏。信長公賜諱字。故以長字連上。團平八為前驅。信州城寨。或降或遁。望風崩潰。勝賴猶在諏訪。議戰守之策。城織部曰。分兵五千授我。我與橫田甚五郎為前驅。又以五千授小山田八左衛門初鹿傳右衛門為後繼。使小山田右衛門真田安房小幡下總。指揮麾下騎兵一萬。一舉決雌雄。則蔑不勝矣。長阪釣間拒之曰。彼尚乳臭。其言不可用。阿部加賀曰。我遣謀者覘敵。信忠陣營。不相統攝。龍川河尻深入。不諳地利。乘夜襲擊。必得大捷。釣間又拒之。議竟不決。因循涉旬。年譜。創業記。家忠日記。織田本信長記。信長譜。甲陽軍鑑。甲亂記。松榮紀十六日。勝賴之兵棄小山城。走歸甲州。年譜。創業記。十

八日神祖發濱松向駿州十九日入牧野城二十日至田中
 二十一日我軍經遠目阪逼持舟城神祖至駿府二十三日
 使諸將攻持舟城二十七日持舟守將朝比奈駿河乞和出
 奔甲州家忠日記曰退于久野今從年譜創業記松榮紀事織田信忠進攻高遠城二
 十九日以僧為使齎書入城諭仁科信盛使降信盛與將佐
 議之副將小山田昌行曰此詐謀也豈效大鳥飯田懦劣之
 徒而墮名節哉當決死一戰耳信盛笑曰是吾志也即收僧
 截其耳鼻逐之信忠大怒陣于貝沼原登高厩城以小笠原
 信嶺為先導急攻之昌行血戰數合力竭入城信盛自殺昌
 行及弟大學渡邊金大夫等皆死城遂陷斬首四百餘級家忠

日記甲亂記松榮紀事○信長譜曰斬首二千五百八十級此據見行本信長記也見行本多繆誤今從織田本信長記
 駿州江尻城主穴山梅雪武田勝賴之姊夫也雅有威重勝
 賴約以女妻其子勝千代左馬頭信豐欲為己子之婦賂長
 阪釣間跡部勝資及大龍寺僧麟岳使言于勝賴曰主公之
 女與勝千代五行之運相克不如嫁于典廐之子二郎勝賴
 從之遂渝其約梅雪大怨望潛蓄異圖神祖使長阪血槍九
 郎往江尻城○按長阪血槍信政見天文十說梅雪降信長
 淹留七日諭以禍福梅雪從之血槍九郎復命神祖賞其獨
 入敵城善得要領賜遠州三邑梅雪反計未露三月朔聞我
 軍向江尻松榮紀事曰三月朔神祖至江尻按四日梅雪初謁神祖不應神祖先至江尻下文云聞我軍向江

源禮編

卷五

十四

尻奪質。奪所質於甲府妻子。據采邑下山城而叛。武田勝賴
今從之駐軍諏訪。及梅雪叛。人心恒擾。宗族勲舊悉離散。左馬頭信
 豐亦屢稱病。不預軍議。殘兵不過一千。勝賴不能保諏訪。引
 歸新府。壘壁未完。不便守禦。將佐胥議。須避其來銳。保據要
 害。以圖再舉。太郎信勝勝賴子獨奮曰。衆心離畔。運命既窮。與
 其逃遁受辱。曷若快死遂志。勝賴默然。小山田信茂曰。臣所
 管都留郡內。阻隘之地。宜急赴之。真田昌幸曰。上野吾妻。地
 利險固。芻糧可支數年。箕輪有內藤。小諸有典廐。足為吾妻
 之藩屏。請速赴焉。勝賴然之。長阪釣間曰。小山田累世舊臣。
 真田新進之士。不如往郡內。信茂亦曰。都留本州之地。吾妻

他邦也。去本州而之他邦。請熟計之。勝賴善其言。厚疇信茂。
 使還迎之。家忠日記。信長譜。甲陽軍鑑。甲亂記。松榮紀事。三日。勝賴殺木曾義昌之
 質。納諸將之質三百餘人於新府城中。燔殺之。信長譜。獨挈妻
 孥赴郡內。從兵狼狽。相顧哽咽。至鶴瀨待報。七日。信茂不來。
 設關篠子。置戍兵以反。拒勝賴不納。從兵尚有數百人。聞信
 茂反。悉亡去。家忠日記。信長譜。甲陽軍鑑。甲亂記。松榮紀事。四日。穴山梅雪至上原
 謁神祖。獻刀及鷹馬。遠目鞠子敵兵。聞梅雪叛。委城潰走。家忠
日記曰。田中持舟鞠子三城。聞梅雪叛。皆降。按田中持舟二
城。前此既降。見上文。今從松榮紀事。○按武田家譜。梅雪既
降。神祖復其舊稱。曰陸奧守信君。是日。織田信長將兵七萬
然。諸書此下。皆書梅雪今從之。六日。至濃州呂久渡。
 餘騎發安土。創業記。信長譜。作五日。今從家忠日記。松榮紀事。

信忠上高遠之捷將士十八人首級。信長大喜。梟仁科信盛首於長柄河上。創業記信長譜家忠日記松榮紀事七日。信忠進入甲州。索一條信龍清野美作朝比奈攝津武田上總等殺之。家忠日記信長譜

八日。神祖軍興津。九日。移營滿坐。六山梅雪來會為前驅。入自文珠堂市川口。德川記曰神祖出自駿州至川內舉軍入自市川只神祖悅下令彌右衛門徭役附以備考謀報曰。勝賴不戰而走。年譜創業紀事勝賴在鶴瀨。畏無警備。匿駒飼山家。其夜小山田

信茂之族八左衛門。奪信茂之質而去。勝賴將保天目山。土人皆叛不得往。匿近邑田野。僕圉皆亡。土屋昌恒秋山紀伊執鞞。阿部加賀温井常陸持槍。先是勝賴近習小宮山内膳

遇讒被黜。來謂昌恒曰。吾近蒙譴在外。欲盡臣節。則忤主公之意。委順則虧臣節。願被寬宥。以死報國。因問長阪釣間何在。昌恒對曰。昨自鶴瀨逸去。跡部大炊如何。曰亦逸矣。讒者

小山田將監如何。甲陽軍鑑將監作彦三郎蓋初稱也今從松榮紀事曰將監與秋山攝津亡去。已經旬日。内膳流涕曰。荷恩之士。相踵逃去。主公之命窮矣。昌恒紀伊相對悲泣。勝賴忸怩謝之。甲陽軍鑑松榮紀事

臣按。小宮山内膳之父丹後。以武田世臣事信玄。守上野松枝城。頗以驍勇著名。内膳剛直。不忝爾所生。數忤佞幸權貴。故勝賴惡之。及與小山田將監忿爭。勝賴信讒逐之。夫遭讒廢黜。而無怨對之色。此固人臣之分。未足揄揚而

且其書

能從容處之者既鮮矣。至於放逐在外而赴君之難。慷慨激烈。見危授命者。則千百人中。難得一二。豈非曠世義士也哉。此條高時之滅也。大佛陸奧守貞直之士本間山城左衛門蒙譴屏居于家。赴難力戰。自屠以報主。舉世稱之。內膳之處義。殆無所媿。語曰。疾風知勁草。世亂識忠臣。若內膳者。其可以為人臣之勸矣。

十日。興國寺成將曾根內匠降于神祖。使牧野康成守興國寺城。松榮紀事十一日。勝賴使甘利甚五郎大熊新右衛門先往天目山。二人亦叛。放銃矢拒勝賴。信忠使瀧川一益河尻秀隆圍田野。勝賴之兵過彌兵衛。與村民作亂。甚五郎新右衛

門與彌兵衛為鄉導。迎一益。勢甚猖獗。勝賴諭其妻往小田

原。勝賴初娶信長公女姪。生信勝。而蚤世。再娶北條氏政之妹。固請同死。不聽。竟自殺。松榮

紀事曰。勝賴使小原丹後及弟下總金丸助六郎先殺妻孥。今從甲亂記。又諭信勝。使齋累代重

器旗無盾。循山而行。出武州。以奔奧州。信勝決志必死。不聽。

既而一益之兵四面競進。勝賴窮蹙。不知所為。昌恒放矢連

斃數騎。矢竭力戰。勝賴揮刀救昌恒。身被數創。信勝揮槍奮

戰。亦被創。父子自殺。勝賴年三十七。信勝年十六。昌恒僧麟

岳。阿部加賀。溫井常陸。小原丹後。其弟下總。金丸助六郎。土屋

昌恒。小宮山內膳。秋山民部。巖下總六郎。多田久藏等。四十

一人。皆戰死。年譜創業記。織田本信長記。家忠日記。甲陽軍鑑。甲亂記。松榮紀事。一益上首級。

信忠喜賞之。是日神祖入新府。會于信忠。十三日信長至信州根羽。信忠遣使獻勝賴父子首。信長大喜曰。城介出師纔一月。平定甲信駿三州。獲勝賴父子首。厥功偉矣。使福富平左衛門賜荒波刀駿馬。及暑衣一百領於信忠以賞之。家忠日記

信長讚松榮紀事

臣按昔東野子之善御也。步驟馳騁無不如意。然馬力盡矣。武田信玄擁五州之兵。戰必克。攻必取。威稜憚乎鄰國。然民力殫矣。人畏其威。不懷其惠。離叛之心。隱然已伏於其中矣。勝賴有智伯瑤之才。而無魏侯斯之德。讒殺其兄義信。而奪嫡之計巧矣。以信玄之聰察。溺於愛而不能辨。

及嗣立。彊暴陵人。驍武自矜。親近諂諛之小人。疎斥老臣宿將。賄賂公行。而不畏清議。將士憤邑。而不恤軍政。佳兵不已。剛愎自用。賈勇過於冉閔。拒諫甚於慕容超。宗族內訌。士民外叛。二十八葉之世家。一朝而蕩滅。斯盡迹其所由。信玄不仁。其失人心久矣。信勝弱齡尚義。不苟免以偷生。使之長而蒞政。必有可觀。惜哉。

十四日大給城主松平左近真乘卒。子源二郎嗣。家忠日記

八歲後名家乘。為和泉守。十五日信長至飯田。梟勝賴父子首數日。松榮紀事

先是下曾根某殺左馬助信豐於信州佐久郡葛山右近氏友。左衛門佐甘利右衛門亦被殺。武田信長獲信豐首。使長

谷川宗仁齋勝賴父子信豐三首級往京師梟之命諸將分兵逮捕黨與逍遙軒信綱小山田信茂朝比奈駿河今福筑前長阪釣間跡部勝資等數十人皆被殺信長譜松榮紀事小笠原氏儀聞勝賴敗死出奔小田原信長使北條氏政殺之氏政送其首於濱松創業記小笠原系圖此皆非是日之事據本書終言之初信長以重利啗甲府將士曰送款則授駿州或給信州之半將士皆信之以叛及勝賴滅得免者什二三信長譜松榮紀事

臣按信長公之餌甲府將士即武田信玄欺駿河將校之故智而當時更事者皆所目擊而或參預其謀者也距信玄之死纔十年豈皆忘之哉唯其貪祿徼利之念甚重而

憂君報國之心甚輕彼材武勇猛之士皆謂可以建牙豎纛安富尊榮延及子孫而恬然不知坐於陷穽之中可哀也已宋李觀所謂武夫健將賣降恐後何邪詩書之道廢人惟見利而不聞義焉者豈啻秦之失政哉亦可以為萬世之鑒矣

十九日信長至上諏訪從兵十萬軍容甚盛二十日水曾義昌來謁信長授筑摩安曇二郡領木曾如故是日神祖至諏訪謁信長信長稱神祖之功曰長篠之戰甲信驍勇殆殲故成功甚易此卿之力也家忠日記信長譜松榮紀事駿州諸城相繼降于神祖獨依田信蕃在田中城不下知終不可守致城于大久

保忠世而去。神祖使山本成行諭之降。○家忠日記成行作成氏永祿十一年作

成行與松榮紀事信蕃以勝賴存亡未審不從。出奔信州。及

信長殺甲州將士。將捕而殺之。神祖密使人召之。信蕃應命。

來謁市川之營。神祖匿之。二股山家獲免。○松榮紀事正文曰。二月十八日神

祖入駿州。諭信蕃曰。欲戰即戰。欲降即降。不可首鼠兩端。自取禍敗。信蕃對曰。吾與大久保忠世有舊。須使忠世來。神祖遣忠世諭之。信蕃致城出奔甲州。二十一日。穴山梅雪以神

紀事一說與家忠日記合。今從之。祖之先容。上謁信長。信長授其舊邑。松榮紀事○木書曰。小笠原信嶺亦以神祖之

先容謁信長。授舊邑。按信嶺二十三日。信長割與州郡於有

功將士。以瀧川一益為關東管領。賜上野及信州佐久小縣

二郡。曰關東八州。以至奧州。征伐獄訟。取汝裁決。如有智慮

所不及。須與家康議。任其處分。賜甲州及信州諏訪郡于河

尻秀隆。更科高井水内垣科四郡于森長可。伊奈郡于毛利

河内守。二十九日。信長授駿州於神祖如約。家忠日記信長

二十三日。今先是管沼滿直父子及其族新三郎。叛降信玄。

從勝賴戰于長篠。至是降信長。在河尻秀隆之營。神祖惡其

叛亂。告信長殺之。創業記四月三日。信長留信忠於諏訪。至甲

府。歷覽廢墟。佐佐木二郎高定。據佐佐木家譜。初名賢永。義賢。入道承禎。第二子。天正元

年。勸將軍義昭。公。擊信長。公。故信長。公。惡之。佐佐木氏滅。往

甲州。依信玄。至是。是。去。慶長。中。叙。從。四。位。下。任。中。務。大。輔。後

判。髮。號。識。匿甲州惠林寺。信忠使河尻秀隆索之。僧徒不可。

密使高定亡去。信忠怒遣將佐。縱火惠林寺。僧徒焚死者八

十四人。家忠日記、信長譜、甲陽軍鑑、甲亂記十二日。信長望見富士山。至大宮。

神祖出謁之。置酒歡娛。至夜而罷。信長悅。贈吉光短刀一文。

字刀及駿馬三於神祖。凡神祖之管内。驛亭橋道。修營悉備。

年譜、創業記、信長譜、家忠日記、松榮紀事。與平信昌出迎信長。信長稱長篠之功。

褒獎之。創業記、松榮紀事。十六日。信長至天龍川。神祖使小栗仁右

衛門淺井道忠造浮梁。信長賜黃金於二人。勞之。是日信長

至濱松城。神祖饗之。信長名酒井忠次曰。今天下粗定。此家

康連年挫勝。賴之功也。汝輩勤勞戎馬。吾甚嘉尚。又召其臣

管屋九右衛門曰。吾為經略東國。諸粟二萬石於東條。今勝

賴既滅。北條氏政望風歸附。家康平定東方。又何用兵運糧

之有。宜以此粟頒給有功將士。神祖起謝。創業記、織田本信長記、家忠日記、松

榮紀事。十七日。信長至吉田。酒井忠次饗之。信長賜黃金二百

兩。及真守佩刀於忠次。二十一日。信長凱旋安土。五月九日。

神祖如安土。以賀平定甲州。且謝得駿州。穴山梅雪從焉。信

長使高野藤藏長阪助一山口太郎兵衛設警備。修橋梁。以

接待之。使明智光秀設治具。光秀構假館。造廐櫪。以金銀飾

饗膳。供張甚盛。會羽柴秀吉在備中。與毛利右馬頭輝元相

持。輝元右馬頭元就嫡孫。備中守隆元子。歷右衛門督。右馬頭。至權中納言。後剃髮號宗瑞。乞援兵於信

長。信長使池田信輝其子勝九郎之助。後任守。伊守。長岡與一郎

忠興。兵部大輔。藤孝長子。復細川氏。歷越中守。參議。從三位。為肥後熊本城主。剃髮號三齋。及光秀等

救之。別令人代光秀饗神祖。光秀大怒。沈饗膳什器於湖水。

年譜創業記家忠日記信長譜松榮紀事○信長譜年譜附

尾曰先是稻葉一鐵之士那波和泉齊藤內藏助有故去而

事光秀光秀善遇之一鐵怒與光秀相訟信長命光秀還和

泉於一鐵使內藏助自殺猪子兵助為光秀申理故內藏助

免死事光秀如故信長怒其違法令召光秀謹責之梓其頭

歐之二三又嘗宴將佐信長被酒辱光秀於衆中既而命饗

神祖於他人故十五日神祖至安土謁信長館於大寶坊進

黃金三千兩馬甲三百於信長。黃金馬甲據創業記本書曰

游于京都十九日信長設雜劇於總見寺以宴神祖。二十日

饗神祖於高雲寺亭。信長自供饗膳。至穴山梅雪及酒井忠

次石川數正等。手授殺藪。宴畢。信長執神祖手以登殿守。周

覽四方。歡笑夜分而罷。勸神祖游于京師及攝州大阪泉州

界津。使長谷川秀一導之。

○老人雜話曰信長使長谷川藤
五郎導神祖其實使伺間圖之也
光秀不反則神祖幾危矣按信長公實有害二十一日年譜
心則不必相繼入京師蓋後人臆度之說也

十二日今從創業記家忠日
記信長譜德川記松榮紀事神祖出安土入京師。二十八日。

至大阪。二十九日。至界津。年譜創是日。信長使將佐留守安

土。率近臣百五六十人入京師。將會于神祖。權居本能寺。信

忠居妙覺寺。先是明智光秀為辦軍裝。還丹波龜山城。怏怏

不得志。與親將明智左馬助。初稱三宅彌平齊藤內藏助利

三等謀反。六月朔。率兵發龜山。揚言明朝入京。須使主君觀

我軍容。二日黎明。急襲本能寺。信長驚問反者誰。森蘭麻呂

長定。三左衛門可成第四子長可弟主圖出見之曰。惟任日

合結記作長次今據諸士傳略訂之

出見之曰。惟任日

向守。信長公嘗改光秀氏曰惟任故稱之即使長定等防之。光秀進攻之。長定

其弟力麻呂長隆坊麻呂長氏。二人名據諸士傳略及宿直者皆奮戰

而死。信長射殺數人。弦絕。揮槍出鬪。傷左肱。知事不可為。放

火自殺。時年四十九。信忠聞變。馳至本能寺。中路見煙起。知

事敗。入二條城。使村井春長軒奉誠仁親王。陽光院及皇孫。後陽

成趣駕入禁省。勒兵以待。日午光秀進圍城。信忠力戰自殺。

年二十八。弟源三郎勝長。即御坊麻呂質于甲州者及從兵百五十餘人

皆戰死。信長譜曰村井春長軒福富平左衛門管屋九右衛門團平八等四十餘輩共死蓋舉大數也今從家忠

日記松榮紀事

臣按信長公當少年時放蕩不羈。日以講武為業。其志固

不凡矣。然其舉動不似人君。宗黨離叛。故平手政秀以死

諫。一旦幡然改過。運籌決策。常出人意表。走齋藤龍興。馘

今川義元。威名震乎四境。雄峙尾濃之間。方將軍義昭公

之求入。克修閭職。誅鋤群兇。終能使義昭公得歸京師。以

繼霸業。厥功偉矣。然不藉神祖之力。則不能建進取之功。

故與神祖講和。使捍甲府之勍敵。絕無東顧之憂。而得專

用力於江越之敵。此其本謀也。既而義昭公陷於敵國。離

間之計。而反欲圖公。公再舉兵。放之河內。遂得建牙京師。

號令天下。賞市人宗運之至孝。嘉鹽川國滿之政績。亦有

志于振頽綱而興風化矣。知人善使。拔秀吉公於行伍之

中委以關西之任。山陽之地。殆將歸於版圖。其規模亦大矣。然資性褊狹。疾惡過甚。人或有過。終身不能忘之。必至屠戮而慊矣。故明智光秀懼其必誅。決意謀反。變起倉猝。父子殲於行營。光秀弑逆之罪。固天地之所不容。而公亦有以自取也。不念舊惡。怨是用希。難矣哉。

前田玄以受信忠遺命。奉其子三法師。至尾州清洲。時三歲。玄以號德善院。以有才幹。為信長公父子見親任。及秀吉公執政。居五奉行之一。相傳延歷寺之衆徒也。據慶長十九年大佛供養時。僧正天海之語。真言宗僧而非台徒也。三法師長而名秀信。至正三位。權中納言。世稱岐阜中納言。神祖在界津。聞變大驚。謂將佐曰。吾欲入京為信長討賊。從士舉鞭將進。本多忠勝諫曰。創業記曰。井伊直政上諫。一說本多忠勝。松榮紀事作忠勝與創業

記正文及本多家譜合今從之光秀擁大軍。我兵單弱。勢不可敵。一戰見敗。則不唯取笑當時。亦必貽譏後世矣。不如還國。糾合義旅。以討賊臣。此萬全之策也。酒井忠次石川數正亦贊成其謀。神祖然之。乃問歸路所由。長谷川秀一曰。宜由伊賀伊勢。即以秀一為前驅。家忠日記。松榮紀事。並曰。神祖至宇治川時。吾為鄉導。沿河見得一小船。使神祖乘之。忠次策馬絕流。從士亦皆騎而得渡。勢多城。土山。岡。美。作。守。景。隆。其弟對馬守景佐。馳至導之。山路險惡。寇賊充塞。景隆兄弟擊卻之。按神祖實經伊賀路。若渡宇治川。則不能經伊賀路。況此川雖騎而渡。不得如此容易。且渡之則過光秀之陣前。及其管內。其誤明矣。蓋自界津經大和。至伊賀路之間。或有河水。忠次先導。偶失其名。且以勢多城主馳來。故後人為宇治川歟。諸士傳略曰。神祖覽界津下飯盛山。將還京師。遣本多忠勝於大阪。路逢茶屋四郎策馬馳至。謂忠勝曰。不見洛中煙燭乎。光秀篡弑京師。焦土。忠勝半途而還。至飯盛山下。告神祖。神祖

大驚曰光秀定邀我歸路寡眾不足與戰不如自殺將挺刃
 忠勝諫曰死於此死於敵其死一也如還國舉兵討賊神
 祖曰善然不知歸路所由忠勝曰臣所能知乃提大槍至一
 村劫父老曰我將抵參州汝須導之父老懼導之至佗村赦
 前父老還之又劫父老使導之歷數十村皆如此遂至木津
 川偶有柴舟二艘來忠勝呼舟子使濟之舟子不肯忠勝怒
 以烏銃劫之遂使神祖駕之士卒皆得渡進至多羅尾谷多
 羅尾某使人請饗神祖神祖疑之忠勝曰我兵多寡主客不
 敵彼若黨于光秀擊我何難其情實可知矣神祖然之多羅
 尾某大喜厚饗神祖遣士卒護送管內遂至伊賀忠勝謂服
 部半藏曰伊賀子之采邑子須代為先導神祖善之進至勢
 州四日市賀舟得還參州據之則宇治川蓋木津川之訛然
 神祖實歷竹內領櫻井初瀨高見嶺則不涉木津川而至伊
 賀其所先導一以為忠次一以為忠勝二說各異勢多亦非
 伊賀路而近于光秀之陣且無山路險惡蓋景隆兄弟來于
 大和迎之從而歷伊賀險路者也諸說紛紜無所適從併存
 以俟神祖欲出大和路遣使越智玄蕃求鄉導玄蕃遣其臣
 吉川某於大和河內之界竹內嶺以導之土寇石原源太率

兵邀之吉川某諭以玄蕃之命土寇引去吉川某經櫻井初
 瀨至高見嶺伊賀甲賀人出導神祖年譜附尾○創業記初
 信長侵掠伊賀土人無少長悉殺之逃遁佗州者令所在出
 之敢匿者有罪神祖矜之不出一人報曰無之故其在參河
 遠江者皆得免親族聞之感戴其恩至是服部別當貞信和
 田八郎定教等併力禦寇神祖遂得無恙至江州信樂松榮
 但云貞信從至信樂而不書其故今據岡崎物語定教禦多
 寇據和田系圖定教伊賀守惟助第三子伊賀守惟政弟多
 羅尾氏世領信樂秀一與多羅尾四郎兵衛光俊有舊故告
 神祖之艱楚光俊迎宿其家高力清長護輜重賊侵掠之清
 長屢還鬪被創遂攘斥之高力系圖松榮紀事神祖自伊賀至伊勢以

拓植三之允為先導。初神祖欲與穴山梅雪同還。梅雪聞難疑懼。與神祖異路。狼狽至山城草內渡。為村民所殺。年譜創

忠日記。德川記。皆云。梅雪至宇治田原。被殺。年譜附尾曰。穴山梅雪。後于神祖十餘町。為石原源太所殺。越智玄蕃聞之。

其夜擊殺源太。此一說也。先臣佐宗淳曰。諸書皆誤。梅雪死於草內渡。土人猶能說其事。其墓見在草內渡。近世黑川道祐著。雍州府志。

三日神祖至勢州白子。角屋七郎二郎亦同此說。今從之。

進舟神祖駕之。按六月二日光秀弑信長公。神祖在界津。聞之。界津去京師十四里。雖登時發界。當及暮夜。其經大和伊賀近江而至伊勢。行程可四十里。有險路。有土寇。豈能得三日。至白子哉。况有多羅尾光俊迎宿其家。

諸書或云淹留三日。然則諸書所載。四日。至參州大濱。入永井直勝家。參州將士歡迎賀之。

創業記。家忠日記。德川記。先是長谷川宗

仁。馳使備中。告變於羽柴秀吉。秀吉與毛利輝元講和。還軍

以討明智光秀。太閤記。秀吉譜。五日神祖入岡崎城。伊勢尾張將士

遣使送款。六日賜書岡部正綱。經營甲州下山城。家忠日記。七日。

遣本多信俊名倉喜八郎於甲府。告變於河尻秀隆。且使保

護之。家忠日記。松榮紀事。八日神祖欲討明智光秀。下令戒嚴。家忠日記。織

田七兵衛信澄。武藏守信行子。信長公姪。光秀之女壻也。以其父信行為

信長所殺。恒有報仇之志。時在大阪城。率兵將入京師。勦力

光秀。織田三七信孝。信長公第三子。與丹羽長秀攻大阪。信澄敗死。

秀吉譜。信孝將討光秀。與長秀及池田勝入議方略。信輝以信

勝入。號。十一日羽柴秀吉至富田。謁信孝。涕泣弔之。家忠日記。十三

日秀吉與光秀戰于山崎。大破之。光秀敗死。秀吉磔其屍於

粟田口抵清洲。謁三法師弔之。織田信雄。信長公第二子。小字茶筍。麻呂。出繼。

北畠源具教卿。為伊勢國司。後封尾張。至正二位內大臣。判髮號常真。信孝。信秀。勝入來會。瀧

川一益。至自關東。柴田勝家。至自越前。亦會于此。家忠日記。秀吉譜。松

榮紀十四日。神祖將兵發岡崎。軍於鳴海。甲信成將聞變。不

能守城。森長可棄川中島。道家彦八棄小諸。毛利河內守棄

伊奈。皆奔京師。甲州繹騷。家忠日記。德川記。是日。河尻秀隆殺本多

信俊。秀隆勇而不仁。欲以威脅制之。甲州人不服。聞信長被

弒。誅秀隆曰。家康遣本多百助殺秀隆。秀隆信之。及信俊至。

設宴饗之。伺其乘醉而寢。刺殺之。十八日。村民遽起攻秀隆。

故山縣昌景之兵三井彌一郎擊秀隆殺之。甲州大亂。年譜。創業。

記家忠日記。德川記。松榮紀事。十九日。羽柴秀吉遣使告討平賊臣明智光

秀於鳴海之營。二十一日。神祖自尾州班師岡崎。年譜。家忠

紀事。羽柴秀吉與丹羽長秀池田勝入等議奉三法師為信長

之嗣。徙居安土城。封以近江三十萬石地。使長谷川丹波守

前田玄以輔佐之。以其幼穉。使叔父信雄管攝。分割州郡。以

尾張封信雄。美濃信孝。丹波秀吉。近江長濱柴田勝家。攝津

大阪。尼崎兵庫勝入之助。若狹及近江高島志賀二郡。瀧川

一益。家忠日記。秀吉譜。松榮紀事。神祖使大須賀康高與成瀨正一。○松

事作一齋。按一齋正一弟也。據成瀨系圖。招徠流亡者正一也。今訂之。日下部定好岡部正綱。

及故穴山梅雪部曲。招徠甲州之士。康高在市川綏撫之。又

修足高山麓天神川故壘使稻垣平右衛門長茂成之長茂初稱

藤介平右衛門重宗子此時為石川康通之臣以本多正信為使諭依田信蕃招諭

士人信蕃建旗柘阪嶺招之橫田重量先眾來歸相繼歸附

者千餘人信蕃率之入小諸城家忠日記松榮紀事甲斐信濃上野三

州無守故鄰國諸將皆覬覦之上杉景勝將三千餘騎取川

中島北條左京大夫氏直將三萬餘兵欲取甲州氏直氏政長子松榮

紀事三萬餘兵作五萬餘騎今從德川歷代甲州人大村三右衛門其子伊賀通

謀氏直導秩父新太郎之兵入甲州松榮紀事曰新太郎北條氏康子按北條家

讚氏康子無秩父新太郎而氏政第五子有稱新太郎名闕蓋以其領秩父就稱秩父也刻期定約新太

郎自刈阪口武州甲州之界北條左衛門大夫氏勝上總介綱成孫常陸介氏繁子

○德川記德川歷代作右衛門氏堯今從松榮紀事率八千餘騎自郡內口北條安房

守氏邦氏康第三子氏政弟武州鉢形城主率七千餘騎德川歷代作三千餘人今從家忠日記

自惠林寺口欲入甲州三右衛門陣碓氷川碓氷或作碓日笛吹國音相

通待新太郎至樋口某納款神祖密告其事神祖使梅雪部

曲有泉大學穗阪常陸速赴碓氷川擊破之賊敗走新太郎

聞之不能進引兵而退二十二日神祖賜書大學常陸褒之

名樋口某列麾下三右衛門之亂雖不日而平寇賊蝟集餘

黨煽起神祖以大久保忠世為將與石川康通本多廣孝其

子康重岡部正綱經略甲州忠世至佐久郡與康通正綱相

議使諏訪小太郎賴忠歸款賴忠新二郎滿鄰子大草左近知久大和

賴元下條某等皆降。小笠原信嶺就管沼定政乞降。神祖許之。二十四日。松平與二郎忠吉卒。年二十四。其子信吉出繼。

松平信一。故神祖以忠吉姪內膳正家廣為嗣。家忠日記。松平系圖。

七月三日。神祖為平定甲州。將兵發濱松。四日至田中。

五日。移營江尻。七日。陣于大宮。九日至甲府。年譜。家忠日記。松平系圖。

是武川之兵與成瀨正一通款。正一聞其流亡往訪之。鄉閭

無人。正一題其門曰。可來市川。覓成瀨吉右衛門。其夜武川

隊長小倉內藏助忠繼。○按今川氏真隊將。有小倉內藏助。資久。見永祿十年。蓋其子乎。未詳。

折井一左衛門次昌來到。正一使二人謁神祖。忠繼次昌獻

質歸降。成瀨系圖。十四日。神祖賜書酒井忠次。給信州十二郡。○按

延喜式倭名類聚鈔拾芥抄。信濃十郡。家忠日記。松榮紀事。並云十二郡。家忠日記。載神祖所賜書曰。信州十二郡。蓋後世增置二郡也。今無所考。酒井系圖曰。神祖賜書如此。然有故不果。

忠次率東參河之兵至。諏訪使諏訪賴忠來屬。忠次短於綏撫。人心不服。賴忠憤恚曰。

吾屬家康。何受忠次之指麾乎。據城堅守。以拒忠次。神祖遣

大久保忠世及折井次昌權田織部泰長於諏訪。諭賴忠曰。

非如忠次之言。當屬神祖麾下。厲攻戰之功。賴忠遣其臣茅

野丹波房清澤一左衛門房重於甲府之營謝之。神祖賜衣

物於二人。懇諭之。賴忠與其子賴水。家忠日記。作賴永。今從寬永系圖。松榮紀事。

抵甲府。謁神祖。神祖賜名刀于賴忠。曰。信州將士。猶有未歸

順者。卿宜速歸。諏訪以待後命。賴忠父子奉命歸。諏訪。神祖

築豆州枉戶壘使牧野康成從自興國寺城守之久野宗能助守十五日賜書小倉忠繼折井次昌招諭武川之士忠繼次昌運籌招諭柳澤兵部伊藤三右衛門曲淵勝左衛門吉景曾根孫作曾雌民部折井九郎三郎等六十餘人皆來降神祖賞忠繼次昌之功賜歸順之士食邑如故北條氏直雖招武川之士不從間有據小沼堡屬氏直者歸順之兵擊破之二十二日酒井忠次率東參河之兵及小笠原信嶺等攻諏訪郡高島城家忠日記二十四日夜城兵襲松平又七郎家信之營家信紀伊守家忠子時年十二家信雖年幼家臣多長於武事者日夜嚴備隊伍不亂故能拒之敵兵不利而退二十六日松

平主殿助家忠設伏擊破城兵神祖褒其功是日賜依田信蕃信州諏訪佐久二郡獎勵之年譜創業記家忠日記松榮信州十二郡然有故不果故賜二郡于信蕃八月北條氏直將兵四萬餘騎踰碓氷嶺入佐久郡聞上杉景勝與神祖講和使真田昌幸還吾妻城以備越後之兵武田勝賴滅後上野諸將多屬北條氏政昌幸亦然酒井忠次聞氏直出兵解高島之圍至白須神祖在甲州授大草左近知久賴元及其子式部少輔賴氏下條某舊邑赴信州伊奈使柴田康忠守佐久郡三日酒井忠次大須賀康高大久保忠世本多廣孝及其子康重石川康通岡部正綱率三千餘騎發白須屯音骨或作乙乞國音相同六日氏直進至梶原與我兵相

距纔一里。山嶽高峙。互不相知。忠世之兵石上菟角。在蘆田
 堡聞之。冒險來告。忠世遣土人探其實。果然。諸將慮兵寡難
 敵。議欲班師。初忠世諭諏訪賴忠來屬。忠次激之使叛。故忠
 世銜之。至是忠次忠世爭殿。忿言移時。氏直之兵來進。諸將
 和解之。先使忠次燒營退軍。康高相從。次康通。次忠世。次廣
 孝。次故穴山梅雪部曲。次正綱為殿。松榮紀事曰。第一忠次。第二康高。第三康通。第四忠世。第五廣孝。第六正綱。今從家忠日記。各正其列。隊伍整肅。小田原之兵循
 山尾擊。六將或還鬪。或引去。行程七里。凡十餘戰。正綱奮勇。
 數擊敵却之。神祖在故府聞之。馳至新府。使石川數正救之。
 氏直見援軍衆多。不敢進。屯若御子。我軍三千。不損一人。皆

還新府。俗謂之繅引。

年譜創業記家忠日記松榮紀事○松尾小笠原系圖曰。信嶺從酒井忠次退

自高島到新府。與大道寺駿河守盛昌。挑戰數日。蓋明年正月事也。故不書。是日。曲淵吉景出覘

敵軍。與山上鄉右衛門交語相鬪。神祖賜書褒之。

家忠日記松榮紀事

七日。氏直進逼新府。我軍隔水陣中山。相距十餘町。平巖親

吉伏兵山下。殺敵七人。

年譜創業記家忠日記松榮紀事

筒井內藏忠次戰

死。天野重次近藤秀用有戰功。

松榮紀事

氏直將攻新府。神祖陣

淺生原。分兵為三隊以待之。使忠次忠世康高康通廣孝正

綱及梅雪部曲。伏兵各所。氏直遣候騎覘之。歸言戰必不利。

氏直決意欲戰。將佐畏懦不能進。氏直不得已。相持數日。十

日。神祖移陣于新府。使鳥居元忠松平清宗水野勝成三宅

康貞成故府修繕新府城以備若御子松平源七郎康直遣

弟孫三郎○按松平系圖康直弟無稱孫三郎者而有源介直隆石見守直宗小大夫直之三弟其一有初稱

孫三郎者乎未詳大久保忠世遣弟忠教以成之北條氏政在小田

原議軍事欲益兵甲州與氏直之軍夾擊神祖以弟左衛門

佐氏忠為將其弟右衛門佐氏光及其族氏勝為副率一萬

餘騎入郡內十二日氏忠出三阪城至黑駒氏直謀曰濱松

之兵成善光寺及故府者料必不多使氏忠襲二壘放火急

攻二壘之兵必走新府之兵聞之亦當自潰乘勢急擊則家

康不得守新府當由下山避入駿州追擊必得大勝乃與氏

忠定約氏忠陣上口山待其報有人密告其計於故府元忠

勝成率兵急發故府康貞清宗亦出兵攻上口山氏忠不意

大兵猝至與本謀違欲引兵退我軍急攻之氏忠敗奔黑駒

氏勝還軍來戰勝成之兵大田仁藏先登獲首級高力正長

斬敵兵平原彌二郎清宗揮槍力戰元忠勝成康貞之兵悉

力拒之氏勝敗走年譜創業記神祖在新府望見煙塵起曰

我兵勝矣果然創業記四將追擊斬首三百餘級上新府創業記

河物語德川日記曰五百餘級今神祖梟之於新府郊外氏直

之兵不知戰敗來視所梟首則或其子弟伯叔或其親族皆

悲泣無鬪志氏直愈畏縮不敢出兵年譜創業記家忠日記

三阪至東郡縱兵焚民舍掠資財元忠清宗勝成康貞率二千餘騎發故府急攻氏忠內藤信成先登部曲獲首三十餘

級敵兵離散四方剽掠故不得拒戰而潰走我軍追擊敵兵或陷崖谷而死或逃遁山林氏忠單騎入黑駒元忠勝成康貞清宗斬首三百餘級獻之三河二十日神祖發新府至故物語略與之同今從家忠日記

府賞諸將之功賜鳥居元忠郡內年譜創業記氏直築砦豆

生田置兵戍之二十九日我兵出于豆生田暴秋稼敵兵急

擊之殆危久世三四郎廣宣平四郎挺身搏戰神祖見其危

親將兵救之大須賀康高松榮紀事作大久保五郎左衛門蓋大須賀之誤今從德川歷代

榊原康政酒井忠次大久保忠世石川康通本多廣孝岡部

正綱為前鋒敵見大軍至將退久世廣宣進鬪與野中六右

衛門接槍被數創遂入柵內獲其首諸將力戰破砦大久保

忠佐抱廣宣謁見營中神祖褒其戰功親賜藥傳創稱父祖

之武功慰勞之松榮紀事不日年譜創業紀並云二十九日我兵破豆生田砦今事從紀事日從二書

家忠日記曰二十七日新府諸將相議各遣謀者覘敵所在大須賀康高之兵有長于斥候者諸謀從之而行審知敵在

豆生田砦歸告之諸將發兵襲砦康高康政為先鋒奮擊破砦多獲首級與松榮紀事異附以備攷北條氏直

雖招武川之士以屬神祖不從氏直再以書誘致之中澤縫

殿右衛門中澤新兵衛殺其使奪書獻之神祖褒之家忠日記依

田信蕃使其族次右衛門說真田昌幸降于神祖昌幸從之

請賜印章神祖許之松榮紀事是月賜駿州田中城于高力清長

高力九月朔北條氏直候騎來窺我營酒井忠次擊却之年譜

創業記家高遠城主保科正直前是不見正直為高遠城主蓋乘甲信之亂而取之也

就酒井忠次乞降伊奈郡主藤澤二郎賴親家忠日記作猶親今從松榮紀

三三

事 據箕輪鄉而叛。正直攻之。相戰三日。遂拔其城。創業記家忠日記松

榮紀 神祖使松平康親。小笠原安藝守信元。及其族丹波守

安次。攝津守安元長子 山田市藏時忠。成豆駿二州之界。三枚橋城。

二十五日。小田原之兵出。三島攻之。安次時忠戰死。餘兵堅

守。神祖賞之。加賜食邑一千石於信元及安次子新九郎廣

勝。韭山敵兵亦屢窺三枚橋城。康親善守之。敵不得近。轉而

攻沼津城。城主本多重次擊走之。獲首三十餘級。年譜創業記有日無

其事今據家忠日記松榮紀事 十月。神祖使依田信蕃真田昌幸屯碓氷嶺。

以絕小田原糧道。年譜創業記家忠日記松榮紀事 十六日。松平紀伊守家

忠卒。子又七郎家信嗣。諸士傳略松平系圖 二十四日。賞保科正直之

功。賜伊奈郡之半。家忠日記松榮紀事 使高木廣正召高木善二郎清

秀仕麾下。清秀六郎左衛門宜上光子後稱主水正 清秀有武幹。初屬織田信秀。

中屬水野信元。信元遭害。屬佐久間信盛。至是謁神祖。賜食

邑一千石。家忠日記諸士傳略 武川之士山高宮内柳澤兵部等。與敵

戰于花水阪。得首級。獻之新府。神祖褒之。各賜舊邑。家忠日記北

條氏直久在若御子。與神祖相持。每戰不利。真田昌幸塞碓

氷嶺。糧道不通。軍日匱乏。二十九日。使叔父美濃守氏規請

和親。曰。甲信二國。德川氏全領之。上野自領之。以上野沼田

易甲州。都留郡及信州佐久郡。神祖許之。氏直恐我兵躡後。

乞交質。以其臣大道寺孫九郎直政。山角某為質。神祖以酒

井小五郎家次為質。家次忠次長子，叙從五位下，歷宮內大輔，任左衛門尉。晦氏直請

婚。神祖約以第二女嫁之。故不及交質。互還之。氏直引兵還

小田原。年譜、創業記、家忠日記、德川記、松榮紀事。諸將率兵攻筑摩川上巖村田

城。城兵堅守不下。諸將將引去。城兵出躡之。依田信蕃為殿。

奮擊大破之。斬首三百餘級。殘兵敗走。神祖賜書信蕃其弟

善九郎信春。家忠日記、松榮紀事、並作新九郎。今據一本。德川記抄訂之。名據明年二月二書所書。源

八郎及從兵依田豐後、依田右近、依田主膳、奧平金彌等褒

之。創業記、家忠日記、松榮紀事。十一月。神祖欲平定信州。命諸將修上口

山砦。五日。松平家忠向善光寺。七日。築勝山砦。使柴田康忠

管沼大膳會于依田信蕃。管沼大膳未知為誰。織部正定盈曾祖父定鎮稱大膳亮。其餘管

沼系圖無。攻伴野刑部少輔所據前山城。河窪與左衛門信

俊。按武田家譜、信俊初稱新十郎。武田兵庫頭信實子。甲州平。神祖使篠瀨某覓信實子。信俊時十九歲。來謁。以領

甲州河窪氏。三枝平右衛門等奮勇爭進。城遂陷。家忠日記、更河窪氏。曰刑部少輔

小笠原之族。而世長于。信蕃康忠攻高棚小田井二城。拔之。

信濃人平原善正。松榮紀事、正作心。平尾平藏、大井民部少輔、小山

田六左衛門、森山豐後、志賀與三左衛門、柏木六郎、望月印

月齋等皆降。十二月十一日。神祖在甲府。以甲信二州粗定。

賜休暇于諸將。各歸采邑。松榮紀事、係十一月而。不日。今從家忠日記。柴田勝家

遣使修好。以賀平定甲斐。年譜、家忠日記、松榮紀事。十二日。神祖召甲信

二州之士論戰功。隨其大小。全給舊邑。或減損之。平原宮內

當賜全邑有人訴碓氷川之戰宮內黨于大村三右衛門田野邑民證之故神祖兩名之親鞫問之皆撤佩刀宮內不服將出事未決神祖留之宮內素懷反謀疑被殺奪奧山新八郎童奴所持刀立殺童奴揮刀而入事起倉猝左右莫敢支吾甲州歸降之士辻彌兵衛空手欲捕之宮內斫其額血流被面兩目昏眊而退宮內乘勢直進欲近神祖土屋權右衛門急闔雨戶○戶外又設闕排戶以小幡又兵衛昌忠時十九歲山城虎盛孫豐後昌盛子家忠日記松榮紀事作十六歲今從小幡系圖拔短刀與宮內鬪傷左手永見新右衛門取槍擬之宮內急進欲擊之新右衛門不遑正槍以鐵突倒宮內昌忠進擊殺之神祖賞其功責

彌兵衛曰汝志雖壯張空拳以犯白刃甚無謂也遂逐之家忠日記松榮紀事

赤心無貳之誓書成瀨正一日下部定好監之總七百五十七人家忠日記松榮紀事人別列分山縣昌景土屋昌恒原胤長一條義龍之部曲及關東僑人一百七十七人屬井伊直

政并四隊之兵食邑四萬石以為一隊兵器皆用赤色世謂之赤備直政雖年少有將帥之器故寵任之家忠日記松榮紀事○據甲陽軍鑑武田信玄之將小幡上總介信真既富兵部二軍皆用赤色甲州人謂之赤備直政部下多甲州人故摸之據太平記佐木崇永仁木義住飯守岡之戰二十一日神祖凱旋崇永之兵有赤一揆則非始於甲州也

濱松年譜創業記家忠日記松榮紀事以成瀨正一日下部定好為奉行平

小且成責

巖親吉為郡代。掌甲州政令。使歸降之士櫻井某。市川伊清

齋工藤源隨齋巖間大藏左衛門。採訪風聞。以達濱松。家忠日記

松榮鳥居元忠留守甲府。創業甲信二州有殘黨未服者。使

大久保忠世。柴田康忠。管沼大膳。留在甲府。小濱民部左衛

門景隆。聞宮造酒丞。為副。以討平之。家忠日記武川之士風

聞某。聚二百餘人作亂。御手洗五郎兵衛直重擊破之。斬風

間某。獻其首。神祖賞之。賜食邑。松榮是歲。松平福松。麻呂忠

吉。自東條城移封駿州。沼津城。食四萬石。源流松井甲太郎書

烈祖成績卷之五終

